

Lectio Divina

“Wainhira imi halo buat ne’e ba ha’u nia alin
kiik sira ne’e ida, imi halo mai Ha’u
rasik” (Mt 25,40)



FMA TIN 2019

Ita hahú ita-nia reflesaun no partilla ho knananuk ida ba Espíritu Santu.

Batiza-me Senhor

Agnus Dei

Batiza-me, Senhor, no teu Espírito,
Batiza-me, Senhor, no teu Espírito,
Batiza-me, Senhor, no teu Espírito,
Batiza-me, batiza-me, Senhor!

E deixa-me sentir teu fogo de amor
Aqui no coração, Senhor.

E deixa-me sentir teu fogo de amor
Aqui no coração, Senhor.

Inunda-me, Senhor...
Renova-me, Senhor...
Liberta-me, Senhor...
Ilumina-me, Senhor...

LECTIO

«Versíkulu ida ne'e halo parte pasajen ida ne'ebé iha Mateus nia Evanjellu de'it, evanjelista seluk la iha aiknanoik ida ne'e kona-ba juizu universál, bainhira Maromak sei tesi lia ba ema hotu-hotu. Biblista balun konsidera pasajen ida ne'e nu'udar sínteze kona-ba Jezús nia mensajen no sarani sira nia hahalok tuir Jezús nia modelu. Pasajen ida ne'e

EMPEÑU

Ita bele hala'o proposta rua ne'ebé ita hetan iha surat apresentasaun Festa Agradesimentu nian:

- Haburas sensibilidade ba situasaun mundu nian, hodi eduka ita-nia an atu simu sira ne'ebé kiak no fraku liu...
- Esprime konfiansa, respeito no apresia ema ida-idak nu'udar rikusoim úniku, hodi deskobre nia iha Irmán sira comunidade nian, foin-sa'e sira, profesór/a, kolaboradór/a no ema ida-idak ne'ebé ita hasoru.

KONKLUZAUN

Ita harohan hamutuk orasaun Na'i Jezús rasik hanorin.

KNANANUK FINÁL

DOMIN LOLOOS LA BUKA AN RASIK
MAIBÉ HAKARAK EMA SELUK NIA DI'AK
DOMIN LOLOOS HAKRIBI AN RASIK
TAN DE'IT HAKARAK BELUN SIRA NIA DI'AK

DOMIN OH DOMIN
DOMIN LIAFUAN KRISTU NIAN
DOMIN OH DOMIN
DOMIN LIAFUAN MAROMAK NIAN

KRISTU Ó HAKARAK HA'U HADOMI HA'U MALUK ISRA
MAIBÉ HADOMI TUIR LOOS DE'IT Ó HANORIN
KRISTU Ó HAKARAK HA'U HADOMI HA'U MALUK SIRA
MAIBÉ HADOMI LOLOOS DE'IT Ó.

sentimentu hakfodak nian: oinsá Maromak bele sai ida de'it ho buat ne'ebé ninia kontrariu. Nia, ne'ebé kbiit wa'in hatudu An iha sira ne'ebé kbiit laek, Nia ne'ebé naroman hatudu An iha sira ne'ebé la iha signifikadu, Nia ne'ebé Liurai hatudu An iha sira ne'ebé kiik. Maromak asumi ema beik no kiak nia karakteristika sira. Nia hadomi liu sira ne'ebé moris iha situasaun desvantajen nian, tan ne'e ita mós aprende hadomi sira. Ita la hadomi labarik no foin-sa'e kiak sira tanba sira soi atu simu ita-nia domin ka tanba ita gosta sira, maibé tanba Jezús "heli An" iha sira, Nia hein ita-nia domin no atensaun iha ema sira ne'e.

Ba Madre nia festa Agradesimentu, irmán sira iha Amerika hili liafuan sira ne'ebé Na'in Feto hato'o ba madre Mazzarello: "Ha'u entrega sira ba ó". Hanesan surat aprezentasaun hateten, Maria halibur no tau matan ba Ninia oan sira no entrega misaun ida ne'e ba Maria Mazzarello. Ho liafuan hirak ne'e, Maria hakarak saran iha Maria Mazzarello nia liman ninia oan Jezús ne'ebé presente iha sira ne'ebé ki'ik no kiak.

ORASAUN

Ida-idak bele esprime ninia orasaun ba Maromak hodi husu tulun atu bele hadomi Jezús iha maluk sira, no hadomi sira ho Jezús nia Futar Fuan.

Ba intensaun ida-idak ita hananu:

Agradese, Na'i Maromak, agradese; belun eh mai agradese.

konklui Jezús nia hanorin kona-ba matan-moris no tempu ikus nian; tuir ida ne'e, evanjelista Mateus hahú haktuir Jezús nia terus no mate.

Ita konsidera pasajen tomak atu bele komprende di'ak liután versíkulu ne'ebé hili ba Madre nia Festa agradesimentu nian.

Mt 25,31-33: Mateus haktuir ho estilu solene momentu ida ne'e: Kristu, hanesan liurai ida, mai iha ninia glória no halibur povu sira husi rai tomak. Iha juizu ida ne'e, Maromak sei haketak sira ne'ebé halo di'ak husi sira ne'ebé halo aat, tuir profeta Ezekiel nia ilas (Ez 34,17), no hanesan iha aiknanoik kona-ba duut aat, bele haree katak juizu ida ne'e sei mosu iha momentu ikus. Juizu ida ne'e mak universál, maibé mós pesoál, la tuir prosesu ida, la iha investigasaun, ka la rona ema sira ne'ebé simu juizu, maibé iha pasajen ida ne'e bele lee de'it ninia rezultadu finál.

Jezús la kohi hamta'uk ema ne'ebé rona Nia hodi dehan buat ne'ebé sei mosu iha tempu ikus nian, maibé hakarak halo ema komprende saida mak presiza halo agora, iha momentu ida ne'e. Aban bainrua Maromak sei fahe ema ne'ebé hili ona buat ne'ebé lori moris, husi sira ne'ebé halo ona buat ne'ebé lori mate.

Mt 25,35-36.42-43: Se ita fó atensaun, sira ne'ebé Maromak temi nu'udar pontu de referénsia: sira ne'ebé hamlaha, sira ne'ebé hamrook... halo ita hanoin ba Rahun di'ak sira. Iha parte dahuluk no daruak,

lista kona-ba ema sira ne'ebé presiza ita-nia atensaun, mak hanesan de'it. Sira ezije husi ema ida-idak ninia dezisaun: ó-nia hilin sira lori ó ba ne'ebé? Iha sorin karuk, ka sorin loos? Oportunidade sira no situasaun sira hanesan de'it, atu la bele dehan katak grupu ida hetan vantajen no ida fali desvantajen, maibé buat ne'ebé determina juizu finál mak kapasidade atu hili sira ne'ebé ikus nian, la'ós tanba sira kiak, maibé tanba iha sira bele hetan Jezús.

Mt 25,37-39.44: Iha versíkulu sira ne'e, ema hotu la haree, la rekoñese Maromak bainhira hasoru Nia iha ema kiak ka hamlaha, ka hamrook... interesante hanoin katak ebreu sira iha salmu barak ne'ebé espresa sira-nia hakarak atu haree Maromak, sira-nia deseju atu rekoñese Ninia Futar Oin, maibé, de faktu, sira la konsege atu haree Nia.

Mt 25,40: liafuan ne'ebé Mateus uza bele traduz ho "sira ne'ebé kiak liu" ka "sira ne'ebé kiak liu fali kiak rabat rai sira", katak sira ne'ebé, iha mundu nia oin, la iha liu signifikadu. Jezús bolu sira ne'e "alin sira" no relasaun ho sira determina ema seluk nia salvasaun ka kondenasaun.

PONTU RUMA ATU REFLETE

Se ita ba lee fali Rahun Di'ak sira, hamutuk ho pasajen ida ne'e, no ita hanoin ba Jezús nia moris, ita bele komprende katak Jezús rasik liuhusi

esperiénsia sira ne'e: Nia mak hamlaha (kf *Mt 4,2*), Nia mak hamrook (kf *Jo 19,28*), Nia mak kiak, tanba hili atu halo An hanesan ema no moris iha situasaun pobreza nian (kf *Fil 2,6-8*) no ita bele kontinua hanoin ba rahun di'ak ida-idak hodi hateke ba Jezús nia moris. Rahun di'ak sira mak hanorin dahuluk Jezús nian, aiknanoi ida ne'e mak konklusaun Evanjullu Mateus nian molok Jezús nia terus, mate no moris hi'as. Bele konsidera pasajen ida ne'e hanesan Jezús nia resumu: buat ne'ebé Nia haklaken iha Rahun di'ak sira, nia rasik moris tuir iha ninia moris tomak, nune'e se sarani ida hakarak moris tuir Maromak nia hakaran, nia tenke moris hanesan Jezús.

Tan ne'e, Jezús la hanoin atu temi akontesimentu ne'ebé mosu dala ruma (fó han dala ida ba ema ne'ebé hamlaha...), maibé nia hakarak ko'alia kona-ba atitude sira, "habitus", estilu moris nian ne'ebé karakteriza ema ida. Iha grupu dahuluk halo parte ema sira ne'ebé bainbain iha atensaun ba maluk sira ne'ebé presiza, sira ne'ebé konsidera domin nu'udar "ai-riin" moris nian, iha grupu daruak bele hetan ema sira ne'ebé ladun iha interese ba maluk sira nia situasaun.

Aspetu seluk katak, se Jezús rasik moris hanesan kategoria sira ne'ebé nia temi iha pasajen ida ne'e, bainhira ita simu ema sira ne'e, ita simu Jezús rasik. Ema kiak sira, sira hotu ne'ebé ema hakribiit, sira ne'e sai Jezús Kristu nia "sakramentu", tanba Nia rasik hakarak identifika ninia An ho sira. Buat ne'e provoca, iha ita,